



Na osnovu člana 42. Statuta Bošnjačkog nacionalnog vijeća, Izvršni odbor Vijeća na 34. sjednici održanoj 12.01.2017. godine, donosi

ODLUKU
O NAKNADI ZA PRISUSTVOVANJE SJEDNICAMA
BOŠNJAČKOG NACIONALNOG VIJEĆA
I NAKNADAMA ZA VRŠENJE DUŽNOSTI U VIJEĆU I
ORGANIMA I TIJELIMA VIJEĆA ZA 2017.

Član 1.

Ovom odlukom uređuje se pravo na naknadu, visina naknade i uslove za ostvarivanje naknade vijećnicima, potpredsjednicima Vijeća, predsjedniku, potpredsjedniku i članovima Izvršnog odbora Vijeća, kao i članovima odbora i radnih tijela Bošnjačkog nacionalnog vijeća.

Član 2.

Vijećnici, potpredsjednici Vijeća, predsjednik, potpredsjednik i članovi Izvršnog odbora Vijeća, i članovi odbora i radnih tijela Bošnjačkog nacionalnog vijeća imaju pravo na:

- 1) Naknadu za prisustvovanje sjednica Bošnjačkog nacionalnog vijeća;
- 2) Naknadu za vršenje dužnosti potpredsjednika Vijeća, predsjednika, potpredsjednika Izvršnog odbora Vijeća i predsjednika odbora i radnih tijela Vijeća;
- 3) Naknadu za prisustvo i učešće u radu na sjednicama i sastancima odbora i radnih tijela Vijeća;
- 4) Naknadu za troškove prevoza radi prisustva i učešća u radu na sjednicama i sastancima.

Član 3.

Vijećnici su obavezni da prisustvuju sjednicama Vijeća i učestvuju u radu organa i tijela Vijeća.

Vijećnicima Bošnjačkog nacionalnog vijeća pripada naknada za prisustvovanje sjednicama Vijeća u iznosu od 15.000,00 dinara.

Član 4.

Imajući u vidu zakonom propisanu obavezu vijećnika da učestvuju u radu Vijeća te obavezu Bošnjačkog nacionalnog vijeća da učestvuje u realizaciji i praćenju realizacije Akcionog plana Republike Srbije za ostvarivanje prava nacionalnih manjina u okviru pregovaračkog Poglavlja 23 u procesu pristupanja Srbije Evropskoj uniji, Vijećnici Bošnjačkog nacionalnog vijeća obavezni su da aktivno učestvuju u radnim tijelima Vijeća za realizaciju i praćenje realizacije navedenog Akcionog plana.

Član 5.

Potpredsjednicima Vijeća, predsjedniku, potpredsjedniku i članovima Izvršnog odbora Vijeća i vijećnicima pripadaju naknade za rad i vršenje dužnosti u Vijeću u sljedećim iznosima:

- 1) Članovima Izvršnog odbora Bošnjačkog nacionalnog vijeća pripada mjesečna naknada za vršenje dužnosti u iznosu od 19.000,00 dinara;

- 2) Potpredsjedniku Izvršnog odbora Bošnjačkog nacionalnog vijeća pripada mjesečna naknada za vršenje dužnosti u iznosu od 19.000,00 dinara;
- 3) Predsjedniku Izvršnog odbora Bošnjačkog nacionalnog vijeća pripada mjesečna naknada za vršenje dužnosti u iznosu od 24.000,00 dinara;
- 4) Potpredsjednicima Bošnjačkog nacionalnog vijeća pripada mjesečna naknada za vršenje dužnosti u iznosu od 24.000,00 dinara.

Naknade propisane ovim članom mogu se ostvariti samo po ovom osnovu, i to:

- 1) Vijećniku izabranom za člana Izvršnog odbora Vijeća pripada naknada propisana tačkom 1. stava 1. ovog člana;
- 2) Vijećniku izabranom za potpredsjednika Izvršnog odbora Vijeća pripada naknada propisana tačkom 2. stava 1. ovog člana;
- 3) Vijećniku izabranom za predsjednika Izvršnog odbora Vijeća pripada naknada propisana tačkom 3. stava 1. ovog člana;
- 4) Vijećniku izabranom za potpredsjednika Vijeća pripada naknada propisana tačkom 4. stava 1. ovog člana.

Član 6.

Naknade iz člana 2. ove odluke za prisustvo i učešće u radu na sjednicama i sastancima odbora i radnih tijela Vijeća obračunavaju se i isplaćuju na sljedeći način:

- 1) Potpredsjednicima, predsjedniku Izvršnog odbora, potpredsjedniku Izvršnog odbora, predsjednicima odbora i članovima organa i tijela Bošnjačkog nacionalnog vijeća pripada naknada za prisustvo i učešće u radu na sjednicama u iznosu od 1.000,00 dinara;
- 2) Naknada članovima odbora i tijela Bošnjačkog nacionalnog vijeća koji nisu vijećnici, za prisustvo i učešće u radu na sjednicama odbora i tijela iznosi 3.000,00 dinara;
- 3) Naknada članovima službi za pravne i ekonomske poslove za prisustvovanje sjednicama iznosi 500,00 dinara.

Pravo na naknadu iz ovog člana ne mogu ostvariti lica koja su radno angažovana u Glavnom uredu Vijeća.

Član 7.

Naknada za troškove prevoza radi dolaska na sjednice isplaćuje se u visini stvarnih troškova prevoza u javnom saobraćaju od mjesta stanovanja do mjesta održavanja sjednice organa i tijela Vijeća i to nakon održavanja sjednice.

Naknada troškova za prevoz sopstvenim automobilom iznosi 10% od propisane cijene za jedan litar pogonskog goriva po pređenom kilometru nakon održavanja sjednice.

Član 8.

Naknada iz člana 3. ove odluke ne može se ostvariti ukoliko vijećnici neopravdano izostanu sa sjednice Vijeća, u tom slučaju gube pravo na naknadu za sjednicu Vijeća kojoj nisu prisustvovali, a svoje odsustvo nisu opravdali.

Član 9.

Naknada iz člana 3. ove odluke ne može se ostvariti ukoliko:

- 1) Vijećnici, potpredsjednici, predsjednik, potpredsjednik i članovi Izvršnog odbora neopravdano izostanu sa sjednice Vijeća, u tom slučaju gube pravo na mjesečnu naknadu za mjesec u kome je održana sjednica Vijeća kojoj nisu prisustvovali;

- 2) Potpredsjednici Vijeća ne održe najmanje dvije sjednice radnih tijela kojima rukovode u procesu praćenja realizacije Akcionog plana za ostvarivanje prava nacionalnih manjina;
- 3) Predsjednik i potpredsjednik Izvršnog odbora ne zakažu i ne održe najmanje 2 sjednice mjesečno;
- 4) Predsjednici odbora Vijeća ukoliko ne zakažu i ne održe najmanje 2 sjednice mjesečno;
- 5) Vijećnici ukoliko neopravdano ne prisustvuju ili odbiju da učestvuju u radnim tijelima za realizaciju i praćenje realizacije Akcionog plana Republike Srbije za ostvarivanje prava nacionalnih manjina u okviru pregovaračkog poglavlja 23 u procesu pristupanja Srbije Evropskoj uniji sjednicama radnih tijela za praćenje realizacije Akcionog plana za ostvarivanje prava nacionalnih manjina, gube pravo na mjesečnu naknadu iz člana 3. ove odluke za mjesec u kome su održane sjednice radnog tijela za praćenje realizacije Akcionog plana za ostvarivanje prava nacionalnih manjina;

Ukoliko se u jednom mjesecu ne održi potreban broj sjednica organa i tijela Vijeća iznos naknade iz člana 3. ove odluke koji se isplaćuje umanjit će se za 50%.

Član 10.

Na kraju mjeseca, sekretar Vijeća na osnovu evidencije, dobijene od Glavnog ureda Vijeća, donosi rješenje o ispunjenosti uslova za isplatu naknada propisanih ovom odlukom.

Član 11.

Isplata ostvarenih naknada propisanih ovom odlukom vršit će se isključivo na tekuće račune u skladu sa Pravilnikom o finansijskom – materijalnom poslovanju Bošnjačkog nacionalnog vijeća.

Član 12.

Stupanjem na snagu ove odluke prestaje da važi Odluka o naknadi za vršenje dužnosti u vijeću i organima i tijelima Vijeća broj: 919-09/2016 od 14. oktobra 2016. godine.

Član 13.

Ova Odluka stupa na snagu danom donošenja.

Ovu Odluku objaviti na oglasnoj tabli i internet stranici Bošnjačkog nacionalnog.

U Novom Pazaru, 12.01.2017. godine.

Broj: 13-09/2017

**BOŠNJAČKO NACIONALNO VIJEĆE
IZVRŠNI ODBOR VIJEĆA**

**Predsjednik
Doc.dr. Hasim Mekić**

